



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Organi Shqyrtues i Prokurimit (OSHP) Rruga "MIGJENI" (ish-Banka e Ljubllanës) Kati V-të, Prishtinë, Kosovë
Tel: +383 38 212 309 e-mail: oshp@rks-gov.net

PSH. nr. 1006/2025

Në bazë të nenit 105 pika 1 dhe 2, neni 108/A paragrafi 7 dhe neni 109 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të kërkesës së datës 10.10.2025 për tërheqje nga ankesa e parashtruar nga OE "Energy Plus" SH.P.K e datës 10.10.2025, lidhur me aktivitetin e prokurimit: "Ngrohja, klimatizimi – Muzeu Etnografik" me numër të prokurimit 632-25-7679-5-2-1, inicuar nga autoriteti kontraktues (AK) Komuna e Gjakovës, Paneli Shqyrtues në përbërje nga; Isa Hasani-kryetar, Batisha Ibrahimimi dhe Vedat Poterqoi-anëtar, me datën 20.10.2025, mori këtë:

VENDIM

1. Aprovohet, kërkesa e datës 10.10.2025, ora 13,21 min, e parashtruar nga OE "Energy Plus" SH.P.K për tërheqjen e ankesës me nr. 2025/1006, e datës 10.10.2025, ora 10,33 min, të parashtruar për aktivitetin e prokurimit "Ngrohja, klimatizimi – Muzeu Etnografik" me numër të prokurimit; 632-25-7679-5-2-1, inicuar nga autoriteti kontraktues (AK) Komuna e Gjakovës.
2. I lejohet, autoritetit kontraktues – Komuna e Gjakovës që të vazhdojë më tutje me aktivitetin e prokurimit si në pikën 1(një) të dispozitivit, përkitazi me këtë ankesë. Ndërsa për ankesën e OE "Energy Plus" Sh.p.k, me numër 2025/1007 e parashtruar me 10.10.2025, ora 10,56 min, për të njëjtin aktivitet të prokurimit, Autoriteti kontraktues duhet të presë deri në vendimin e OSHP-së.
3. Meqenëse operatori ekonomik OE "Energy Plus" Sh.p.k. për aktivitetin e njëjtë të prokurimit me numër të prokurimit; 632-25-7679-5-2-1, i ka parashtruar dy ankesa me numër 1006/2025 dhe 1007/2025, me një pagesë për tarifë të ankesës, andaj të njëjtit nuk i kthehet tarifa e ankesës, por pagesa e bërë do të zbatohet për ankesën 1007/2025.

Arsyetim

Operatori ekonomik "Energy Plus" SH.P.K me datën 10.10.2025, ka parashtruar ankesë në OSHP, nr;2025/1006, lidhur me aktivitetin e prokurimit "Ngrohja, klimatizimi – Muzeu Etnografik" me numër të prokurimit 632-25-7679-5-2-1, iniciuar nga autoriteti kontraktues (AK) Komuna e Gjakovës.

Operatori ekonomik "Energy Plus" SH.P.K me datën 10.10.2025 ka njoftuar se tërhiqet nga ankesa 2025/1006, lidhur me aktivitetin e sipërcituar, pasi që për të njëjtin aktivitet të prokurimit ka parashtruar edhe ankesën me nr. 2025/1007.

Me rastin e informimit lidhur me veprimet e përshkruara si më sipër, Paneli Shqyrtues mori vendim për aprovimin e kërkesës për tërheqje nga ankesat e OE-ve ankues duke i lejuar AK që ta vazhdojë aktivitetin e prokurimit (i përshkruar si më sipër). Ndërsa për ankesën e OE "Energy Plus" me numër 2025/1007 e parashtruar me 10.10.2025, ora 10,56 min, për të njëjtin aktivitet të prokurimit, Autoriteti kontraktues duhet të presë deri në vendimin e OSHP-së. Krahas kësaj po ashtu duhet theksuar se efekti pezullues i ankesës në kuptim të nenit 112, paragrafi 1, të LPP sipas të cilit dorëzimi i një ankese e obligon AK që automatikisht ta pezullojë zbatimin e aktivitetit të prokurimit.. Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore në këtë fazë, pa nevojë që të hapet faza e vlerësimit meritore nga paneli shqyrtues lidhur me ankesën nr;2025/1006, sepse mungon objekti ankimor (ankesa është tërhequr) dhe elementet qenësore të ankesës sipas nenit 111 të LPP;

Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore para OSHP në këtë fazë, lidhur me këtë ankese nr;2025/1006, për faktin se:

- a) mungon objekti ankimor dhe elementet qenësore të ankesës sipas nenit 111 të LPP;
- b) ankuesit, i mungon statusi i palës së interesuar, sipas nenin 4, paragrafi 1.26 të LPP.

Në këtë rast duhet theksuar se në kuptim të nenit 13, të Ligjit për procedurën e përgjithshme administrative (LPPA), secili person ka të drejtë të ushtrojë mjetet juridike kundër një veprimi apo mosveprimi administrativ të organit publik që i cenon një të drejtë apo një interes juridik. Kurse në kuptim të nenit 109, paragrafi 1, të LPP, po ashtu parashihet se çdo palë e interesuar ka të drejtë të parashtojë ankesë pranë OSHP. Mirëpo, në kuptim të parimeve bazë të legjislacionit, posaçërisht parashikuar me dispozitën e nenit 93 të Ligjit për procedurën e përgjithshme administrative, kjo njëherësh kjo nënkupton faktin se çdo palë e interesuar ka të drejtë po ashtu ta ndryshoj (plotësoj,

përmirësoj, precizoj) ankesën dhe po ashtu ta tërheqë atë. Në fakt, Paneli Shqyrtues ka konfirmuar faktin e tërheqjes së ankesës, bazuar në veprimet e palës përmes publikimit të tyre në platformë përkatësisht faqen zyrtare të sistemit të prokurimit publik, prandaj nuk gjeti arsye për të vepruar në kuptim të nenit 110 të LPP andaj janë krijuar kushtet që procedura në këtë çështje juridiko administrative të përfundoj në kuptim të nenit 97 të LPPA.

Megjithatë, Paneli Shqyrtues i vë në dijeni AK, në çdo aktivitet duhet të veproj konform dispozitave dhe autorizimeve ligjore siç parashihen ato me nenin 1, 6, 7, 27, 28, 59, 60, 65 të LPP-së.

Meqenëse tarifa e paguar për ankesën 1006/2025 shfrytëzohet për ankesën 1007/2025, e njëjta nuk i kthehet operatorit ekonomik OE "Energy Plus" SH.P.K për ankesën e tërhequr.

Prandaj bazuar shkurtimisht në të lartcekurat, Paneli Shqyrtues vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me padi mund t'i drejtohet Gjykatës Komerciale - Departamentit për Çështje Administrative për anulim vendimi në afat prej 30 ditësh nga data e pranimi të vendimit.

Vendimi t'i dorëzohet

- 1x1 AK-Komuna Gjakovë
- 1x1 OE "Energy Plus" SH.P.K
- 1x1 Arhivës së OSHP-së;

